

■ COLUMNA

Casas communalas

DA CRISTIAN COLLENBERG

Las salas da vischnaunca, nua ch'ins s'entupava a siu temps per discutir las fatschentas communalas e decider en moda directdemocratica davart ils fatgs publics eran integradas en biars loghens ella casa da scola che s'udeva tier mintga vitg. Cun las midadas dils davos decennis, la digren dil diember d'affons e sco consequenza dalla structura dalla societad «moderna» han las scolas stuii vegnir centralisadas, e la finala ein era biars dils vitgs ch'eran da gliez temps el medem mument vischnauncas autonomas davantai parts da vischnauncas pli grondas. Quella organisaziun che sebase sin autras grondezas che sin il singul vitg ei en sesez ina consequenza logica dil svilup, porta in levgiament en differents graus ed ei cumbinada cun in diember schanzas. Mo ella porta era novas incumbensas. Aunc uss ein buca tuttas sliagiadas optimalmeins.

Co vesa ei ora – per exempel – cun las casas communalas ch'han da



survir alla vischnaunca (nova) entira? Nua che tals baghetgs eran buca gia a disposiziun seporschan la schanza e la necessitad da construir in niev center per metter sut tetg ils organs communalas e l'administraziun. Ins savess pia spitgar che tals casas communalas semarcassen sco novs puncts da sentupada per la publicitad, bein identificabels, envidonts per igl access, nunsurveivels per indigens e visitaders da lunsch e da maneivel.

Eis ei forsa tipic che lezs vesan ussa buca darar en emprema lingia ina casa cun ina gronda inscripziun che numna il participader principal dil baghetg, pia

(per exempel) d'ina banca potenta? Zana, in bionton pli discret, en letras pli mudestas e perquei strusch veiseivlas per quel che sa buca nua ch'el anfla la canzlia, cumpara daveras era l'indicaziun ch'ei setracti dalla casa communalas. Quei fenomen ei buca limitaus sin las vischnauncas novas fusiunadas; il model da «secumprar en» tier in investider potent ch'ei prompts da metter a disposiziun daners per baghegiar in baghetg grond avunda en in liug representativ ha gia fatg scola en loghens pli grondas. Cul resultat ch'ei dat per exempel a Cuera ina casa da medias e che lezza metta era suttetg aglur l'administraziun dil marcau. Era leu anflan ins, sch'ins enquera ei, l'entrada tier las partiziuns ch'il public drova.

En in cert senn ei quella rangaziun forsa pli logica che quei ch'ella para. Nus havein da plazzar l'administraziun zana in in bien liug, central ed accesibel. Mo la fierla decida cun tgi, sper tgi (e forsa era sut tgi?) che las instituziuns publicas astgan semussar...

Leta Semadeni – ina terza ediziun

■ (cp) Il cudesch liric «In mia vita da vulp» da la poetessa engiadinaisa cumpara en 3. ediziun. E quai punctualmain sin la surdada dal Premi grischun da cultura a Leta Semadeni. L'entschatta fa la vulp. E betg il pled. Explicitamain betg il pled. A moda excepziunala reducescha Leta Semadeni la creatira, s'essenza, l'olma da l'animal sin ils plects gists. E quai gist per snegar ils plects, ils nums, sco en l'emprima poesia dal cudesch: «Eu nu savai-va/ /meis nom d'eira/ /be là saimpermâ/ /ingio cha la patta/ /tocca il sögl». Il caracter da la vulp sa chat- ta senza ils plects e ses patratgs, u sco la scriventa e schurnalista Angelika Overath scriva en l'epilog a l'ovra: «Da l'autra vart dal urden

da dar nums datti la ristga e la ventira dad in esser d'animal natiral.» E quest animal è savens la vulp: «La vulp/ /es aint ils latschs/ /da tantas istorgias».

La relaziun tranter l'uman e ses ambient na va betg senza plects. La relaziun tranter uman ed animal logicamain era betg. En sias poesias dat Semadeni a questa relaziun dentant ina nova, zunt sorprendenta qualitad. Ils plects n'èn betg quai che differenziescha l'uman dal animal. Il pled unescha, gea il pled daventa tar Semadeni schizunt animal: «Il pled/ /ha survgni alas/ /(...)» «Tscherts plects/ /(...)» /As gnuevan aint». Ma il patratg na fiss betg ponderà a fin sch'el restass a quest level da maletgs simbolics – e Semadeni

snuescha la finala quai ch'ella ha uni per exempel cun la poesia «Deconstrucziun», en la quala ils plects per las parts dal corp uman daventan Pavel – Pavel per ils liuns.

Cura che la Chasa Editura Rumsantscha ha cumenzà sias ediziuns l'onn 2010 ha ella resenti entras il cudesch da Semadeni plaschair e fortuna en ina; suenter gnanc dus mais è l'emprima ediziun stada exausta e mez onn pli tard ha l'altura retschavì gist duas renconuschientschas. Ed ussa, set onns pli tard, survgn Semadeni il Premi da cultura dal chantun Grischun. En quest mument è la segunda ediziun gist exausta. Tge plaschair per ina chasa editura: ina 3. ediziun!

■ L'AURA

Sulegliv – la saira e la notg uradis u urizis

Situaziun generala: Ina zona da pressiun auta sur il vest da l'Europa procura per aura stabila.

Oz: En il nord la damaun per part anc surtratg. Silsuenter sulegliv. La saira e la notg sin mesemna uradis u urizis. En il sid sulegliv, en las muntognas nivels da cumulus. Temperaturas maximalas durant il di en il nord en fin 29 grads, en il sid en fin 31 grads.

Prognosas: Da mesemna en fin venderdi sulegliv. La mesemna en damaun en il nord per part surtratg ed eventualmain er singuls uradis. Temperaturas en fin venderdi durant il di en il nord en fin 28 grads, en il sid en fin 30 grads.




FOTO E. MONN

Midada da peil tiel capricorn

■ (em) Pliaras species d'animals selvadis, denter auter era il capricorn, ein ussa vid il midar peil. Sil peil d'unviern ei fetg spess ed isolescha suonda il peil da stad. Auter che tier la gronda part dalla

selvaschina mida il capricorn denton mo inaga ad onn siu peil. Ferton ch'il peil d'unviern ei fetg spess ed isolescha suonda il peil da stad. Auter che tier la gronda part dalla

peil da stad buca aschi spess. Sin la fotografia vesan ins bein las restonzas da launa dil peil d'unviern tier in buca capricorn ella vegliadetgna da bu-namein 15 onns.

■ NOVITADS WWW.RTR.CH

Chattà in med cunter l'arsira da plantas

Ils perscrutaders da l'ETH a Turitg han chattà in nov med cunter l'arsira da plantas. Els han preschentà virus che cumbattan e destrueschan la bacteria da l'arsira da plantas.

Sco la Scola politecnica federale (ETH) ha communitgà hajan ils perscrutaders cumbinà las abilitads da dus inimis natirals da la bacteria da l'arsira da plantas. Il virus nov cumbinescha las abilitads dals dus inimis existents a moda effectiva, uschia che l'arsira da plantas po vegnir cumbinada a moda effectiva.

Ils purs da puma ston controlar regularmain lur plantas. Ils scienziads han uss era sviluppà in test da diagnosa cun il qual il virus da l'arsira da plantas po vegnir constatà pli effectiv, pli svel e pli precis, scriva l'ETH.

Plantas pertutgadas ston vegnir pinadas e brischedas. Avant curt hai dà in cas a Zezras nua che pliars 100 plantas han stuì vegnir runcadas e brischedas.

«rhienergie» cun onn da success

L'interpresa d'energia grischuna «rhienergie» ha augmentà marcantamain ses gudogn l'onn 2016. Cumpareglia cun l'onn avant è el creschì per 30%.

L'interpresa grischuna cun sedia a Tumein po nudar il 2016 in gudogn dad 1 226 000 francs. La raschun per il resultat positiv sajan tranter auter ils pretschs bass per cumprar energia, ma era ils gudogns ord las atgnas ovras da fotovoltaica. La vendita d'energia è s'augmentada il 2016 per 21%. La gronda part dals clients cumpra energias regenerablas (93%), da quels cumpran 95% energia ord da forzas idraulicas e 5% ord dad ovras da solar da la regiun, scriva la «rhienergie».


La «rhienergie» ha cumprà il 2016 tut las acziens enavos da l'interpresa «Repower», uschia che l'interpresa saja cumpletmain regiunala, scriva l'interpresa d'energia grischuna en sia comunicaziun da pressa.

Chattà cadaver da luf a Jaun FR

A Jaun en il chantun Fribourg è vegnì chattà il venderdi sin in champ in cadaver dad in luf. Sco quai che l'Uffizi per guaud, chatscha e pestga chantunala communitgescha sa tractia dad ina femella creschida. Il cadaver è vegnì purtad en l'institut patologic da l'Universitad da Berna per vegnir sezziunà. Pertge che l'animal è mort n'è anc betg cler. Las autoritads n'excludan dentant betg ch'el saja vegnì mazzà.

Parasgulader crudà giu a Puntraschigna

A Puntraschigna è in parasgulader crudà giu la dumengia suentermezdi. El è sa blesà gravamain. L'um da 25 onns ha preparà la dumengia vers las 15.30 l'atterament tar Punt Muragl a Puntraschigna. Per motivs anc betg sclerids è il parasgol sa mess ensemen ed il parasgulader è crudà giu radund 10 meters. Cun grevas blessuras al dies è l'um vegnì sgu- lla cun la Rega en l'Ospital chantunala a Cuera.



L'accident era gist sut l'ospizi dal Pass Alpsu.

MAD

Accident mortal sin Pass Alpsu

Sin il Pass Alpsu hai dà in accident mortal cun in töf. Radund 200 meters sut l'ospizi dal Pass Alpsu è l'um da 56 onns vegnì en ina curva sin il vial oppost. Alura è el charrà da la spunda giuador ed alura sa platgà en il letg d'in aul. Malgrà che viagiants èn imme-

diat vegnids vitiers e prestà il prim agid e malgrà l'agid dal team d'ambulanza è l'um anc mort al lieu da l'accident, scriva la polizia. En acziun eran dasper la polizia chantunala er ils pumpiers da Sursassiala ed ina patruglia da la polizia dal chantun Uri.

Il bler pajan ins a San Murezzan

Tgi che vul cumprar en las Alps in'abitaziun da vacanzas sto pagar il pli bler a San Murezzan. Quai mussa in studi da la banca UBS ch'ha analisà il martgà d'immobiglias en il spazi alpin da la Svizra, l'Austria, la Frantscha e l'Italia. A San Murezzan custa in meter quadrat terren

sulom da bajegiar en media radund 14 000 francs. Sin piazza dus vegn Gstaad en il chantun Berna, sin piazza trais suonda Verbier en il chantun Vallais. Ordaifer la Svizra vegn pajà il pli bler per abitaziuns da vacanzas a Courchevel en Frantscha. Là custa in meter 12 000 francs.